

**TEZAUUR LITURGIC**  
**8 FEBRUARIE**

**ACATISTUL**  
**SF. MARE MUCENIC**  
**TEODOR**  
**STRATILAT**  
**DE LA**  
**HERACLEEA**  
**PONTULUI**



**MOSCOVA, 2000**



# Акафист

## СВЯТОМУ ВЕЛИКОМУЧЕНИКУ

### Феодору Стратилату

---

#### Кондак 1

Возбранному воеводе и славному во страдальцах воину, святому великомученику Феодору, приидите песнь хвалебную вкупе воспойм. Ты же, великомучениче, яко имея дерзновение ко Господу, от всяких нас бед свободи, да зовем ти:

Радуйся, святой великомучениче Феодоре, Великий Стратилате.

#### Икос 1

Ангелов Творец и всея твари Создатель яви тя Церкви Своей, яко страдальца доблественна и воина непобедима, да вси по достоянию страдания твоя восхвалят, страстотерпче Феодоре. Сего ради и мы, яко мученика днесь чтуще, восхваляем ти, вопиюще:

Радуйся, идольского служения прелесть обличивый.

Ра́дуйся, я́рость безу́мнаго ца́ря язы́ческаго презре́вый.

Ра́дуйся, сего́ ра́ди муче́ния ве́лия и ра́ны сме́ртныя претерпе́вый.

Ра́дуйся, я́ко Христо́с от Пила́та, от Лики́ния ца́ря плóтию на кресте́ пригвожде́нный.

Ра́дуйся, от А́нгела Госпо́дня па́ки живо́т и кре́пость дивно́ восприя́вый.

Ра́дуйся, с ра́достью о Го́споде главу́ свою́ честную́ под меч преклоні́вый.

Ра́дуйся, святы́й великомучени́че Феодо́ре, Вели́кий Стратила́те.

## **Конда́к 2**

Зря́ще страда́льца до́блественна и во́ина непобеди́ма свята́го великомучени́ка Феодо́ра, страда́ньми венцы́ победны́я прия́вша и со А́нгелы сочета́вшася и чуде́с сокрови́ще ми́ру дарова́вша, ве́рнии единомудре́нне почти́м, воспева́юща Бо́гу: Аллилу́иа.

## **И́кос 2**

Ра́зум божество́нный стяжа́в, зми́я ве́лия и стра́шна, бли́з Евхайтска гра́да вогнездівша́ся, крестом и мече́м порази́л еси́, во́ине Христо́в, те́мже и стратила́т, еси́ воево́да, возста́влен бе́

на земли. Мы же яко небесному воеводе вопием ти:

Радуйся, силою Христовою от змия того лютаго отечество свое свободивый.

Радуйся, многое народа множество ко Христу обративый.

Радуйся, оружием веры демонов полки победивый.

Радуйся, яко победоносный явился еси на земли страдалец.

Радуйся, чудес множество с верою к тебе прибегающим подаваяй.

Радуйся, Христу Богу молитися за ны милостиво не оскудеваяй.

Радуйся, святой великомучениче Феодоре, Великий Стратилате.

### **Кондак 3**

Силою Божией умерщвлена змия Феодором Стратилатом видевше, Евхайтский град и вси людие окрестныя чудяшеся зело и зываху глаголюще: «Велий есть Бог Феодоров, сей есть Бог истинный», – Ему же мы вопием: Аллилуиа.

### И́кос 3

Име́я обы́чай благи́й но́щию моли́тися неусы́пно, Фе́одоре святы́й, ви́дѣния боже́ственнаго сподо́бился еси́: покрóву хра́мины, я́ко отве́рсту яви́вшуся и свѣту небѣсному, я́ко огню́ ве́лию, осия́вшу тя; та́кже и глас слы́шал еси́ свѣ́ше глаго́лющ: «Дерзай, Фе́одоре с тобо́ю бо е́смь». Си́м позна́л еси́, я́ко вре́мя при́иде страда́ния твоего́ за Христа́, возвесели́ся ду́хом. Те́мже вопи́ем ти́:

Ра́дуйся, я́ко сла́ву неизглаго́ланную Христа́ Бо́га узрѣл еси́.

Ра́дуйся, я́ко и премирных ви́дѣний зритель бы́л еси́.

Ра́дуйся, я́ко и на земли́ небѣсныя собесѣдники имѣл еси́.

Ра́дуйся, вели́ких бо Та́ин откровѣний в земно́й жи́зни сподо́бился еси́.

Ра́дуйся, проро́ческое просвещѣние.

Ра́дуйся, свети́льниче мы́сленный, свѣ́том Христо́вым облиста́емый.

Ра́дуйся, святы́й великомучени́че Фе́одоре, Вели́кий Стратила́те.

## Кондак 4

Бўрю мучений близящуся разумев, сице молился еси со слезами, блаженне Феодоре, Христу Богу: «Господи, Боже, всесильный, буди ми милостив и соблюди мя от прелести вражия, да не порадуются врази мой». Такоже и мы с тобою Богу вопием: Аллилуиа.

## Икос 4

Слышав злочестиваго царя прельстительныя глаголы, яко да жертвы и кадилы и ароматы принесоша мерзким богам, Феодоре треблаженне, сокрушил еси я в нощь едину и, раздробив вся идолы златы и сребряны в части малы, разделил еси я сирым и убогим. Сего ради неустрашимому твоему подвигу вельми дивящеся, сице вопием:

Радуйся, премудростию словес твоих безстуднейшаго царя посрамивый.

Радуйся, славу Бога жива и истинна пред языки проповедавый.

Радуйся, яко войстину Феодор, еже сказуется дар Божий, явился еси.

Радуйся, яко ныне со ангелы и лики мучеников блаженне радуешися.

Ра́дуйся, я́ко дерзнове́ние имéяй к Бо́гу, от скорбе́й и страсте́й на́с все́х избавля́еши.

Ра́дуйся, святы́й великомучени́че Феодо́ре, Вели́кий Стратила́те.

### **Конда́к 5**

Богоме́рзкия и́долы егда́ я́ко зла́то и серебро́ обы́чно рассéк у́си руко́ю челове́ческою, безу́мнаго ца́ря нечестива́го поруга́л еси́, великомучени́че, глаго́ля ему́: «Ты́ кланя́ешися бо́гам ме́ртвым, аз же поклоня́юся Бо́гу Живо́му». Ему́же с тобо́ю и мы́ поклоня́емся, взыва́юще: Аллилу́иа.

### **И́кос 5**

Ви́дев нечестивы́й мучи́тель те́ло твоё́ честное́ на муче́ние преда́емо, руга́шеся тебе́, страстоте́рпче. Ты́ же, святы́й, вся́ сия́ му́жественно терпя́, ничто́же и́но глаго́лал еси́ то́чию: «Сла́ва Тебе́, Бо́же мо́й!» Терпéнию тво́ему дивя́щися, си́це вопи́ем ти́:

Ра́дуйся, жи́лами воло́выми и прутьми́ оловя́нными безпоща́дно би́емый.

Ра́дуйся, мно́гие ра́ны к ра́нам и́мже не́сть числа́, от мучи́теля претерпе́вый.

Ра́дуйся, я́ко венцы́ побѣдны́я та́ко от Христа́ прия́вый.

Ра́дуйся, тво́ими ко Христу́ хода́тайствы ве́рныя спаса́яй.

Ра́дуйся, святы́й великомучени́че Феодо́ре, Вели́кий Стратила́те.

### **Конда́к 6**

Пропове́дник сла́вы Христо́вой яви́лся, в темни́цу вве́ржен бы́л еси́, страстоте́рпче Феодо́ре, неисто́вым мучи́телем ру́це и но́зи имѣя́й связа́на и ничесо́же яды́й да́же до днѣй пяти́. А́нгел же свѣт прише́д разреши́ти ты́ связа́на, да вопи́еши Бо́гу: Аллилу́иа.

### **И́кос 6**

Воссия́ша по́чести твоя́ Феодо́ре. Я́коже бо ино́гда Христо́с Госпо́дь на́ш от Пила́та, та́кожде и ты́, блаже́нне, от Лики́ния царя́ на крестѣ́ про́пят бы́л еси́, ру́це и но́зе имѣя́ пригвожде́нна. Сего́ ра́ди прии́дем вси́ ве́рни пе́сенными венцы́ Феодо́ра Мучени́ка пресла́внаго велича́ем глаго́люще:

Ра́дуйся, ко кресту́ пригвожде́нный.

Ра́дуйся, стрѣлы́ о́стрыми и гво́здем прободѣ́нный.

Ра́дуйся, мечём усечённый. Ра́дуйся, всякими хитро́стями бо́лезней предупредённый.

Ра́дуйся, я́ко в муче́ниях непрекло́нен и непобеди́м яви́лся еси́.

Ра́дуйся, святы́й великомуче́ниче Феодо́ре, Вели́кий Стратила́те.

### **Конда́к 7**

Хотя́ от земных разреши́тися и на дре́во вше́д уязвлено́ю плото́ю, великомуче́ниче Феодо́ре, си́це моли́лся еси́ ко Го́споду: «Помяни́ мя, Го́споди, претерпева́юща крест Тебе́ ра́ди». Ему́же и мы́ с тобо́ю вопие́м: Аллилу́иа.

### **И́кос 7**

Но́ва по страда́нии яви́ Ангел Госпо́день, Феодо́ра мученика, в пе́рвую бо стра́жу но́щи ви́сящу то́му на кресте́ сниде́ с небесе́ и сня́т со креста́ и сотвори́ всего́ це́ла и здра́ва, я́коже и пре́жде, и лобза́я рече́ ему́: «Ра́дуйся и укрепля́йся, Феодо́ре, се́ бо с тобо́ю Госпо́дь». Сего́ ра́ди и мы́ со безплотными купно́ воззове́м то́му глаго́люще:

Ра́дуйся, целова́ние а́нгельское прие́мый.

Ра́дуйся, спаси́тельную стра́сть Зижди́теля изобрази́вый.

Ра́дуйся, во вся́ких ну́ждах предста́тельством твои́м спаса́яй.

Ра́дуйся, вся́ку душегуби́тельную печа́ль и обстоя́ние отгона́яй.

Ра́дуйся, чуде́с мно́жество су́щим в ми́ре подава́яй.

Ра́дуйся, ве́рным сердца́ невидимо подава́яй.

Ра́дуйся, святы́й великомучени́че Феодо́ре, Вели́кий Стратила́те.

### **Конда́к 8**

Стра́нное о тебе́ содева́ется, блаже́нне Феодо́ре, мучи́тель бо злочести́вый мя́ тя ра́спята ме́ртва су́ща, оста́ви те́ло твоё на кресте́ ви́сяща, ты́ же от А́нгела це́л и здра́в бы́в, нача́л еси́ пе́ти Го́сподеви пе́снь хвале́бную: Аллилу́иа.

### **И́кос 8**

Всего́ тя истреби́ти хотя́ще мучи́тель, сего́ ра́ди и со́тник повеле́ по́йти те́ло твоё со креста́ и в ковче́г оловя́н вложи́ти и в пучи́ну морску́ю вве́ргнути, да ника́ко христиа́не е́ возмут и че́стно погребу́т. Со́тницы же зна́мения мно́гая и ве́лия от свята́го узре́вше, ко Христу́ обратив́шася; сего́ ра́ди и мы́ чту́ще честну́ю мучени́ка па́мьть си́це вопие́м:

Ра́дуйся, Небе́снаго Царя́ воево́до предоб́рый.

Ра́дуйся, ри́торе изрядный, па́че мудрецо́в  
ми́ра мудре́йший.

Ра́дуйся, вся́ ми́ра сего́ кра́сная ни во что́ же  
вмени́вый.

Ра́дуйся, терпе́ния соверше́ннейший о́браз  
все́м показав́ый.

Ра́дуйся, в Сио́не го́рнем со А́нгелы и  
святы́ми купно́ всели́выйся.

Ра́дуйся, ходата́й те́плый за ны́ пред Бо́гом  
явлив́ыйся.

Ра́дуйся, святы́й великомуче́ниче Фео́доре,  
Вели́кий Стратила́те.

### **Конда́к 9**

Вся́кая похва́ла подо́баёт тебе́ великомуче́ниче  
Фео́доре, претерпе́в бо крест и по страда́нии  
па́ки це́л и здра́в со креста́ соше́д, А́нгелом  
чудесным де́йстви́ем, неверные со́тники  
ца́рския и во́ины мно́ги пре́жде нечестивые  
просвети́л еси́ и научи́л еси́ ве́ровати Христу́  
Бо́гу и Пети́ Ему́ купно́ с тобо́ю: Аллилу́иа.

## И́кос 9

Ветія, сказу́й сла́ву Бо́жию неизче́тными зна́мении тво́ими, яви́лся еси́ ми́ру сла́во мучеников Феодо́ре, от тебе́ бо исцеле́ние неоску́дно почерпа́ем, вси́ к тебе́ с ве́рою прибега́ющие и стра́сти тво́и воспева́ющие си́це:

Ра́дуйся, узники мно́ги от уз разреши́вый.

Ра́дуйся, двэри темни́чныя сло́вом еди́ным отверза́й.

Ра́дуйся, недужным исцеле́ние подава́й.

Ра́дуйся, де́моном злым одержи́мая свобожда́й.

Ра́дуйся, то́чию прикаса́ющиеся ко оде́жде тво́ей а́бие исцеля́й.

Ра́дуйся, вме́сто кро́вных ка́пель исцелéний то́ки одождя́й.

Ра́дуйся, святы́й великомучениче Феодо́ре, Вели́кий Стратила́те.

## Конда́к 10

Спаси́тельную ве́ру восприя́вша вси́ лю́дие ве́лия зна́мение тво́я зря́щи, треблаже́нне Феодо́ре, те́мже и́долов ме́рзких отве́ргше,

Христу́ прилепи́шася, глаго́люще: «Вели́й бо е́сть Бо́г Феодо́ров, сей е́сть Бо́г и́стинный»,– Ему́же при́сно вопи́ем: Аллилу́иа.

### **И́кос 10**

Стѣну необори́мую му́жества твоего́ во́ине Христов, не одоле́в лю́тый мучи́тель, уби́йством на тя ды́шуще и крове́ твоея́ а́ки пѣс а́лчный жа́ждал, посла́ мечѣм уби́ти тя, ты́ же помоли́вся и зна́мением крѣстным зна́меновася, во́лею приклони́л еси́ под ме́ч главу́ твою́. Твое́ усекнове́ние чту́ще си́це вопи́ем ти́:

Ра́дуйся, мечѣм сме́рть му́ченическую восприя́вый.

Ра́дуйся, во успе́нии своём зна́мения мно́ги сотвори́вый.

Ра́дуйся, ве́ру и любо́вь Христо́ву да́же до сме́рти сохрани́вый.

Ра́дуйся, я́ко в вы́шних черто́зах со а́нгелы и святы́ми всели́лся еси́.

Ра́дуйся, я́ко за грѣшны́я те́плый ко Христу́ предста́тель яви́лся еси́.

Ра́дуйся, о душа́х на́ших непреста́нный моли́твенниче.

Ра́дуйся, святы́й великомучени́че Феодо́ре,  
Вели́кий Стратила́те.

### **Конда́к 11**

Пе́ние надгробно́е со свеща́ми и кади́лы  
воспе́ша лю́дие вси́, че́сть тебе́ воздаю́ще,  
Феодо́ре, егда́ глава́ твоя́ честна́я мече́м усече́на  
бы́сть, те́мже взя́ше те́ло твоё́ свято́е и в ме́сте  
наро́чите положи́вша е́, последи́ же и в  
Евхайтский град принесо́ша, Христа́ Бо́га  
сла́вяще и пою́ще Ему́ пе́снь: Аллилу́иа.

### **И́кос 11**

Све́том зна́мения изрядна́го порази́л еси́  
нечестивы́я сара́цины на честны́й хра́м тво́й,  
и́же в Ка́рсате, нашедших, егда́ стрело́ю устре́ли  
о́браз тво́й, а́бие истече́ кро́вь в обличе́ние те́х  
омраче́нных безу́мием. Те́мже зна́мению́ сему́  
чудя́щеся, ве́рно вопие́м ти́, чудотво́рче  
Феодо́ре:

Ра́дуйся, я́ко безу́мие сара́цин посра́мил еси́.

Ра́дуйся, я́ко Це́рковь Бо́жию от поруга́ния  
оградил еси́.

Ра́дуйся, я́ко о́браз тво́й све́тлый чудотво́рен  
яви́лся еси́.

Ра́дуйся, я́ко и́мя твоё́ и в неве́рных  
просла́вил еси́.

Ра́дуйся, па́че ве́рныя к тебе́ прибега́ти в  
мольба́х научи́л еси́.

Ра́дуйся, святы́й великомучени́че Феодо́ре,  
Вели́кий Стратила́те.

### **Конда́к 12**

Благода́тным зна́мением не вразуми́вшеся  
неве́рнии сара́цины хра́м тво́й святы́й  
оскверни́ша и о́бразу твоему́́ честно́му  
поруга́тися мня́ху, о́баче сме́рть лю́ту по ма́лех  
дне́х прия́ху, ве́рни же вси́ ико́ну твою́́ святу́ю,  
я́ко чудеде́йственну вельми́́ чту́ще взыва́ют Бо́гу:  
Аллилу́иа.

### **И́кос 12**

Пою́т дивны́я по́двиги и чуде́са́ твоя́́ вси́ ве́рни  
по все́й земли́́ хри́стиа́нстей по вся́́ дни́ в  
неисчи́слимых хра́мах и оби́телех во и́мя твоё́́  
созда́нных, собира́ющесе́ и пе́сенными венцы́́  
тя́́ велича́юще, великомучени́че Феодо́ре  
Стратила́те, те́мже и на́с, па́мьять твою́́́ днесь  
све́тло пра́зднующих, помяни́́ и за́щити́, да  
любо́вию зове́м ти́́ вопию́ще:

Ра́дуйся, я́ко мольбы́́ грешных прие́млеши.

Ра́дуйся, я́ко ско́рби душе́вныя утоля́еши.

Ра́дуйся, я́ко страсте́й о́гнь укроща́еши.

Ра́дуйся, я́ко от вся́кия скве́рны плóти и дýха  
соблюда́еши.

Ра́дуйся, я́ко от искуше́ний лука́ваго  
избавля́еши.

Ра́дуйся, я́ко моля́щихся у престо́ла  
Вседержи́теля помина́еши.

Ра́дуйся, Святы́й великомучени́че Фео́доре,  
Вели́кий Стратила́те.

### **Конда́к 13**

О, всехва́льный и всеблаже́нный Стратила́те,  
великомучени́че святы́й Фео́доре! Приими́ сие́  
умиле́нное моле́ние на́ше, и ко Престо́лу  
Небе́снаго Царя́ Христа́ ско́ро вознеси́, да  
предста́тельством твои́м от вся́ких зóл и  
напа́стей свободи́мся, вопи́юще Бо́гу при́сно:  
Аллилу́иа.

Этот конда́к чита́ется трижды, затем и́кос 1-  
й и конда́к 1-й.

### **Моли́тва**

О, пресла́вный и прехва́льный великомучени́че  
святы́й Фео́доре, вели́кий Стратила́те! Не отри́ни

грѣшных сѣя малыя молитвы и приношения, но яко имѣя дерзновение ко Всемилостивому Владыке, потщися к нам недостойным скорою твоею помощию и явися ходатай за ны теплый у Христа Бога, да не погибнем вси во грѣхах наших, но да сотворит с нами по великой милости Своей, да умирит мир и сохранит нас от всякаго злаго обстояния, да даст нам тихое и безмятежное житие пожити в чистоте и благочестии, и по исходе душ наших неосужденно предстати судилищу Его и деснаго стояния сподобитися, да выну поем и славим Его Всесвятое имя со Отцем и Святым Духом во веки веков. Аминь.

